



UPA16/137
7. maj 2016
Múte B. Egede

Kalaallit Nunaanni inatsilerinermut kandidatinngorniarfimmik pilersitsisoqarsinnaanera pillugu nassuiaammikkingusinnepaammik UPA2017-imi Inatsisartunut saqqummiunneqartussamik Naalakkersuisut suliaqaqqullugit peqquneqarnissaannik Inatsisartut aalajangiiffigisassaatur siunnersuut.

(Inatsisartunut ilaasortaq, Ineqi Kielsen, Siumut)

Inuit Ataqatigiit Inatsisartunut ilaasortap Ineqi Kielsenip Siumumeersup aaliangiiffissatur siunnersuutaanut imaattumik oqaaseqassaagut.

Namminiilivinnissamik siunnerfeqarnermi pingaaruteqarpoq aningaasaqarniarnikkut naalakkersuinikkullu pissutsit kisimik pineqannginnissaat. Aningaasaqarniarnikkut naalakkersuinikkullu nammineersinnaanerup ineriartortinneranut peqatigitillugu inuiaqatigiinni inuit ataasiakkaat imminnut, siunissamut inuiaqatigiinnullu akisussaassusem tigusinissaat kiisalu inuiaqatigiit innut ataasiakkaanut akisussaassuseqartumik ineriartoqatigiinnissaat pingaaruteqarpoq.

Inuit Ataqatigiit ilinniartitaaneq inuiaqatigiit patajaatumik ingerlaneranni qitiulluinnartutut isigaat. Innuttaasut inuiaat ingerlanerat sunniuteqarfigalugu siuttuuffigissappassuk ilinniartitaaneq tamatumunnga qitiulluni qulakkeerinneqataasussaavoq. Taamaammatt Inuit Ataqatigiit nunatsinni inatsilerituunngorniarluni ilinniarfimmik aallarnisaasoqarnissaannik qaqitsisoqarnera nunami namminiilivinnissaminik siunertaqartumi pissusissamisoorarput.

Siunnersuummut tunngaviummik isumaqataagaluarluta maluginiarparput Naalakkersuisut siunnersuummut akissuteqaamminni oqaatigigaat Ilisimatusarfik inatsilerituutut ilinniarnermik aallartitsiniarluni aallartisalereersimasoq. Siunnersuutip anguniagaanut naapertuuttumik suliamik maanna aallartittoqareersimammatt Inuit Ataqatigiinniit siunnersuut taamak isikkoqartillugu ilalinngilarput.

Naalakkersuisut akissuteqaamminni Ilisimatusarfiup 2018-imi inatsilerituunngorniarluni ilinniakkamik aallartitsisinnaanissaminut piviusunngortitsissaguni aningaasanut inatsit aqqutigalugu aningaasaliinikkut aatsaat pisinnaaneraniq oqariartornera Inuit Ataqatigiit maluginiarparput. Ilinniakkamillu taassuminnga aallartitsinissamik aallarnisaasoqarnera Naalakkersuisut siunnersuuteqartumut akissuteqaamminni oqaatigereermassuk apeqqutigerusunnarsivoq Naalakkersuisut aningaasanut inatsit aqqutigalugu Ilisimatusarfimmi inatsilerituunngorniarluni ilinniarnep aallartissinnaanera aningaasalissallugu pilersaarutiginerat.